

ԽՈՂԵՐ Տ. ԳԱՐԵԳԻՆ Ա. ԿԱԹՈՂԻԿՈՍԻՑ

Ես աղքատ, հասարակ գյուղացու զավակ եմ, բայց եթե այսօր եմ ինչ որ եմ պարտական եմ միայն իմ Ազգին, իմ ժողովրդին, իմ Եկեղեցուն, Ս. Էջմիածնին, ես կարող էի նախիր պահող կամ տավարած լինել. այսօր Հովվապետ եմ՝ պարտական լինելով իմ Եկեղեցուն և հոտին:



Մեր սուրբերի հոգիները երկնքից պիտի դիտեն Մեր ամեն քայլը, խոսքն ու գործը, ծառայությունը Եկեղեցուն և հոտին: Պիտի կարողանա՞նք նրանց գծած շունչով ընթանալ, Ահա՛, սիրելիք, ինչ հոգս է պատում Մեր սիրտը այս սրբազան վարկյանին: Ուստի և մարգարեի նման մեր աչքերը դեպի երկինք ենք բարձրացնում՝ ՎՏԷր հովուենացէ դիս և ինձ ինչ ո՞չ պակասեցիք:



Ընդունելով Ամենայն Հայոց Կաթողիկոսի դերագահ դիրքը, կկամենայինք, որ ըստ ամենայնի պահպանվեր նրանց պատշաճ հարաբերությունը ըստ պաշտոնի և կոչման...: Միասնականությունը կամենում ենք իրականացած տեսնել գիտակցական փոխադարձ հասկացողությամբ և հարգանքով կատարված պարտքերի, նպատակների և ձգտումների միության մեջ...: Մենք, իբրև Կիլիկիո Հայրապետական Աթոռի Գահակալ, պատրաստ ենք Մեր կարելին բերել, հավերժացնել ամբիջ սերտ, ամբիջ գիտակցական և միևնույն ժամանակ ամբիջ շրջահայաց հարաբերություն Մայր Աթոռի հետ:



Լավ է պատերազմի դաշտում ընկածների հիշատակը պահել և երախտագետ լինել նրանց, ովքեր իրենց արյունով Ազգ և Եկեղեցի են պահպանել, ինչպես վարդապետներ, բայց պակաս արժեքավոր չէ խավարի և ունդիտության դեմ պայքարողների գործը:



Պատմության մեջ էականը այն չէ, թե մի ազգ ո՞րչափ հզոր է եղել, նվաճումներ կատարել, շատ անգամ իրենից թույլ ազգերին ոտքի տակ արորել, այլ թե ի՞նչ հոգևոր ժառանգություն է թողել իր ազգին և մարդկության, Ազգերի կյանքի մեջ ամենից նշանակալիքը, ուրեմն և մնայունը՝ նրանց ստեղծագործությունն է, մշակույթը, Ապարախտ է եղել մեր վիճակը քաղաքական տեսակետից, բայց ամաչելու պատճառ չունենք հոգևոր և մշակութային կյանքի մարգերում:



Աստուծո հայրության գաղափարով և հավատով մարդիկ դառնում են եղբայրներ, որովհետև խաղաղությունն է հաստատվում երկրի վերա: Ուր եսն է, սիրելիք, ատելությունն է, վեճն ու կռիվը, այնտեղ ոչ Աստված կա, ոչ խաղաղություն, խաղաղության մեծ կարիք ունի մեր ժողովուրդն էլ. բայց փոթորիկ ցանելով խաղաղություն չենք հրճի: Մենք պետք ունենք խաղաղ և շինարար գործունեության, նախանցյալ պատերազմի տարիներին մեր ստացած վերքերը դեռևս չեն բուժված: Զգաստանք, շրջահայաց լինենք, հասկանանք մեր վիճակը, հավաքենք մեր ցրված ուժերը, առանց խոսքի ու աղմկարարության, բուրբի ենք Եկեղեցու շուրջ, որը միության, խաղաղության, սիրո և հղբայրության հաստատությունն է:



Մեր եկեղեցական բարձր Աթոռներից յուրաքանչյուրի զարգացումը, բարձր վիճակի փոխադարձաբար զարգացումն ու բարձր վիճակն է մյուսների:

Առաջին հերթին Մայր Աթոռն ունեմ նկատի:

Ես առիթր կունենամ պաշտոնապես էլ արտահայտվելու այս մասին, բայց այժմյանից իսկ ուզում եմ, որ մեր ժողովուրդն իմանա, թե Կիլիկյան Աթոռը, ներքին վարչական խնդիրների մեջ անկախ, միշտ պի-

տի մնա Հայաստանյայց Եկեղեցու, Ընդհանրական-Հայրապետության հետ, ընդհանուր եկեղեցական հարցերի մեջ, և եղբայրական սեփու հարաբերություններ պիտի պահի Մայր Աթոռի հետ, Հարկ է ամեն րանից առաջ լայնագույն չափով զորացնել Մայր Աթոռը, մեր Ընդհանրական Եկեղեցու հեղինակության և համայնի պահպանությունը լինելով կենսական:



Ո՛ր է կանթեղը... Սունկ եմ շոքում, աղոթում, հեկեկում... Ախ, ո՛ր է կանթեղը. Հայոց աշխարհի լուսատու կանթեղը մշտավառ... Նա միայն արդարներին և հավատով ապրողներին է տեսանելի. իսկ ես մեղավոր եմ:

— Տե՛ր, Քո ձեռքով վառեցիր այգ կանթեղը և կախեցիր երկնքից Հայաստանի կենտրոնում, հայ ժողովրդի սրտի մեջ, Քո՛ղ վառ մնա այգ երկնային պարզեր, անմար և հավերժ, քանի հայ շունչ կա երկրիս երեսին, գիտակցություն և զգացմունք՝ նրա հոգու մեջ...:



Հայաստանյայց Եկեղեցին կենտրոնն է հայրենասիրության, կյանքում շատ երազներ եմ ունեցել, որոնք իրագործվել են. երազել եմ իմ Հայրենիքի վերականգնումը, ծաղկումն ու զարգացումը, որը իրականացել է իմ երազից էլ շքեղ: Մեր անցյալ տարիները թշվառության տարիներ էին: Այն արհավիրքը, որ բաժին ընկավ մեր ժողովրդին, մեր Եկեղեցուն, աննախընթաց է վերջին հարյուրամյակում: Կոտորվեցինք սրի հարվածների տակ, մտրակի տակ, Բայց, այժմ, վերջ են գտել մեր տառապանքները: Իրողությունն այն է. որ մենք, որ ոչինչ չենք ունեցել, այժմ ունենք Հայրենիք, պետականություն, արվեստ, գրականություն, թատրոն, կոնսերվատորիա և հազարավոր վարժարաններ: Անտված մեզ համար նոր վերածնության մի շրջան է ստեղծել: Իմ հոգին վկայում է, և ես հավատում եմ, որ մեր ժողովրդի համար նոր սկիզբ և ռսկնդար է արվել: Թող ծաղկի մեր նորարարող Հայրենիքը՝ զրական, գեղարվեստական և մշակութային բոլոր ոլորտներում: Մեր հոգու աչքերը ուղղված են դեպի Հայրենիքի վերելքը և սրտատուրփ ալերնկալություններով հետևում ենք նրա ամեն մի քայլափոխին, դեպի բարձրագույնն ու գեղեցիկը:



Մեր ազգային ամենամեծ հարստությունը, որ ժառանգություն ենք ստացել մեր հայրերից, ձեռագրերի ժողովածուներն են: Ուրախ

ենք, որ այդ հարստության ամենամեծ մասը գտնվում է մեր Հայրենիքում: Մենք պարծենալ կարող ենք ամենաքաղաքակիրթ ազգերի կողքին մեր 20 000 տուփ կամ հատոր ձեռագրերով, ուր պահված են հայ մտքի և անցյալի ամբողջ արտագրությունը, մեր ազգային ամենամեծ հարստությունը:



Ոս ալերակաների մեջ կյանք և ոգի եմ գտնում: Մեր ժողովուրդն էլ ալերակ է դարձել անցյալում: Մենք նման ենք մեր երկրի ալերականերին, որոնք ունեն, սակայն, ստեղծագործական հոգի և շունչ և որոնք պահվել պահպանվել են ու կյանք տվել մեր երաժշտության, ճարտարապետության և մյուս արժեքներին:



Գեղեցիկ է մեր երկիրը, այդտեղ է Արարատը մշտապես իր ձեռմակ գազաթով, առավոտյան՝ երկինքը իր ծիրանի գոտին է կապում նրա ճակատին, օրվա մյուս պահերին, տարբեր պսպղումներով և երանգներով է զարդարում նրան, իր առանձնացած հպարտության մեջ: Հայաստանի բարձրագույն լեռներից երևում է նա: Առաջն է Արարատյան պատմական ընդարձակ դաշտը... Նաշխարված Նրասխի քաղաքով գետակիցներով՝ անդին՝ հայկական մյուս լեռները, Արագածների գագաթներով աշտարակված և որոնց միջից պսպղում է Լուսավորչի կանթեղը: Այս հրաշալի ավանդությունը իր բարձր իմաստով հայ ժողովրդի հոգեկան աշխարհն է խորհրդանշում: Դառնություններ, կորուստներ նյութական թե՛ բարոյական, շատ ենք ունեցել: Անկման այդ տխուր օրերին, չհանգավ Լուսավորչի կանթեղը: Հայ ժողովրդի իմաստության, գոյության, ձրգտումների սրբազան խորհրդանշանն է այն:



1914—1915 թվականի աղետաբեր օրերին Վասպուրականի, Ալաշկերտի և Վանա լճի հյուսիսային գավառների հայ ժողովուրդն ստիպված էր տեղահան լինել և գաղթել դեպի էջմիածին և Արարատյան երկիրը. ալանատես էինք այն աղեկտուր տեսարանին, որ կատարվում էր մեր շուրջը. իբրև Ողբայրական օգնության վարչության անդամ և ի պաշտոնն շփման մեջ էինք բոլոր շրջանների գաղթականությանը հետ, հարկավոր նյութական և բժշկական օգնությունները կարգադրելու: Նրասխի ափերից մինչև էջմիածին, պողոտայի երկու կողմերը, վանքի ընդարձակ անտառի և ճեմարանի բակի և

պարտնդի մեջ, պարիսպների տակ փոփած էին մոտավորապես 150 000 փախստականներ րաց երկների տակ...



Ի՞նչ լեզու կարող է ամենադուրյզն լսափով պատկերավորել պատմական այդ մեծ, անսահման ողբերգությունը, եղեռնը, որ կատարվեցավ մեր գլխին, Ի՞նչ լեզվով խոսենք, որ մեր ցավը, մեր անհատակ վիշտը, բողոքը անարգարության դեմ լսելի լինի այն ականջներին, որոնցից է կախված արդարության կշիռը վերականգնելու Մենք կրոնավոր ենք, և քաղաքականությամբ չէ որ այստեղ զբաղվում ենք, այլ հանուն արդարության, հանուն տարապարտուց նահատակված միլիոնավոր մեր զոհերի, նրանց փոշիացած ոսկորների, մեր ձայնն ենք քարծրացնում, որ լսելի լինի, որտեղ պետք է:

Մարդկային խիղճը լպետք է տանի, որ մի ամբողջ ազգ կարգավորյալ կերպով դեպի մահ քշվի, և մնացորդները աշխարհի յուրս կողմը հողմացրիվ լինեն:



Հայրենասիրությունը մի բնական զգացում է հաստատված մեր սրտի խորքերում: Ինչպես բնական է սերը դեպի ծնողները և դատապարտելի այն որդու վարմունքը, որ անարգանքով է վարվում նրանց հետ, նույնչափ բնական է սերը և դեպի Հայրենիքը և դատապարտելի դեպի նորա շահերը ցույց տված ապերախտությունը: Մենք ոչ միայն մեր ծնողների զավակներն ենք, այլև մեր Հայրենիքի. մեր կյանքի առաջին վայրկյանից կապված ենք Հայրենիքի հետ, նորա օղն ենք շնչում, նորա ջուրը խմում, նորա բեր-

քերով կերակրվում: Բնական է նույնպես և մարդու սերը դեպի յուր բնիկ ժողովուրդը: Մեր նրակների մեջ նույն արյունն է վաղում: նույն վարքերաբեղով, սովորություններով, նույն անցյալով և ապագա հույսերով կապված միմյանց հետ: Ամենքի բերանում նույն լեզուն է հորջորջվում և հարյուրավոր և հազարավոր տարիների պատմություն, անցյալի հիշողություն, ուրախություն և վիշտ, հաջողություն և կամ ձախորդություն ընդհանուր է ամենքի համար:



Մեր ձեռքն է միայն մեր պատմական Հայրենիքի մի փոքր մասը, ավելի բաւ մի միլիոն հայ բնակչությամբ, հայրենի ավերակներով, ուր մեր կյանքի գոյության խարխուլը պիտի մնա այսուհետև ևս. բայց մեր ժողովրդի մեծագույն մասը հայրենագուրկ է և ցրված... Հայրենագուրկ և զաղափարազուրկ կյանքով ապրել չենք կարող. ազգային տեսակետով ապարախտ այս նոր պայմանների մեջ պետք է գորանա և ուժանա Հայրենիքի և հոգևոր միության զաղափարը ավելի լայն և ավելի խորը, լուսավոր հասկացողությամբ:



Եկել հասել է պատմական այն օրը, երբ մեր շքնաղ Երկիրը լայնորեն բացել է ձեր առաջ իր դռները: Երբ մեր պատմական Հայրենիքը կգնաք, ես ցանկանում եմ, որ նոր պայմանների մեջ, Հայաստանի հին քաղաքացիների կողքին ձեր ջանասիրությամբ, պարտականության կատարումով ետ լմնաք նրանցից, ընդհակառակը, արժանավոր հանդիսանաք այն շնորհին ու բախտին, որ ձեզ է բնկիլ:

